



Txotx garaian denboraldiko sagardoaren ezaugarriak azaltzen dituzte Sagardoetxean

Sagarraren kulturaren nondik norakoak gehiago zabaltzeko bide-etako bat da promozioa. Sagardoetxeak hiru ekitaldi antolatzen ditu, sagardoa sustatzeko helburuarekin: Sagardo Berriaren Eguna, Santa Ana eta Sagar Uzta, hain zuzen ere. Sagardo Berriaren Eguna urtarrilean ospatzen den eguna da. Egun horretan, jende aurrean aurkeztzen da aurreko urteko uzta, eta, horrela, txotx denboraldia hasten da.

Gainera, azken urteetan, ekintza nabarmen bat prestatzen dute Sagardoetxeko sagastian. Sagarrondo berri bat landatzen du urtero euskal gizartearen pertsona ezagun batek, dinamismoa eta naturaren berritzearen sinbolo gisa. Aurtengoa, hamazazpigarrengoz antolatuko dute.

Promozio biko bigarren eguna handia Santa Ana da. Egun handia izaten da Astigarragako herritarren zati, euren zaindariaren jaiak direlako. Uztailaren 26ko osasunak izango dira sagardoa, herri kirolak eta artisautza erakusketa. Astigarragako sagardotegi guztiek parte hartuko dute.

Azken ospakizuna sagar uzta delakoa da. Irailaren 26an hamargarren aldiz ospatuko da Astigarragan. Sagar uzta jai egun horretan egiten da, orduan hasten direlako herriko dolareak lanean.

Adituentzako prestakuntza

Orain arte aipatutako ekintza eta jarduerak horiek denak mundu guztia zehar diren arren, gai teknikoak lantzen dituzten jarduerak ere antolatzen ditu Sagardoetxeak. Horietan, berriz, sagardogileek edo sektorearekin zerikusia dutenek parte hartzen dute.



IKASTAROAK. Sagardoetxean ikastaro ugari antolatzen dituzte. UNAI AGIRRE

Ikastaro horietako batean, sagarrondo emankorren landaketaren nondik norakoak adieraziko dira. Sagasti batean hainbat faktore izan behar dira kontuan, sagarrondoaren produktibitatea ahalik eta handiena eta emankorra izateko, eta sagardogileek bertako sagarrek nahikoa izateko. Ikastaro honetan, faktore horiei buruz hitz egingo da: klima, zoruaren egoera, sagarrondo motak eta txertaketak, beste hainbat gaien artean.

Arbolaren emankortasuna funtsezkoa da, sagardozaleak jakin dezan zenbat fruitu dituen eskura sagardoa egiteko. Horri dagokionez, kimaketa funtsezkoa da. Horregatik, Sagardoetxeak landuko duen beste gaietako bat kimaketa eta txertaketa izango da. Ikastaro horretan, zuhaitza berdea dagoenean egin behar zaizkion kimaketaren garrantziaren inguruan arituko dira. Urteko kimu berri guztien edo batzuen ezabatzea datza kimaketa mota hori. Modu horretara, sagarrondoaren altuera kontrolatzen da. Lan garrantzitsu horretan, ilargiak ere zer esan handia dauka: ilgora baldin badago zuhaitza kimaketaren unean, fruitu arbolaren indarra handitu egingo da; ilbehera baldin badago, berriz, alderantzizko efektua izango du, hau da, indarra txikitu egingo zaio. Horiek dira ikastaroan landuko diren ideietako batzuk.

Sagardoetxeak emango duen laugarren ikastaroa muztioa eta sagardoaren azterketaren kurtso praktikoa da. Sagar ekizilei, sagardogilei, muztigilei zuzendutako ikastaro praktikoa honetan, besteak beste, sagardoa zein muztioaren konposizio analitikoaren inguruan arituko dira. Ikastaroan, ondorengo praktikak egingo dira: dentsitate, azidotasun, pH, azidotasun aldakor, estraktu lehor, uheritasun, tml, alkohol gradu, sulfuroso, metanol eta burdinaren neurketak.

AMEBI

Sagardotegia

Urtarrilaren 9an, gauean, trikitilariak eta txotx-aren ireklara

☎ 16 25 23

Zubi Erreka auzoa, 9
20210 - LAZKAO

IGANDE EGUARDITAN
IREKITA ERE

IPARRAGIRRE

TOLARE SAGARDOTEGIA

osinaga auzoa 10, HERNANI tel: 94 355 0328

WWW.IPARRAGIRRE.COM

Sagardo botila urte osoan salgai

LARRE-GAIN

Tolare - Sagardotegia

☎ 943-55 58 46 - 616-28 78 67

Ixabel Santa Kruz Zerain

LARRE-GAIN BASERRIA • ERENOTZU • HERNANI